

Arberatze-Zilhekoa

Aurkibidea

Udalerria: Arberatze-Zilhekoa

Sarrera



Amikuze eskualdeko udalerria. 1841ean batu ziren Arberatze eta Zilhekoa herriak, udalerri berria osatzeko. Udalerri hauekin egiten du muga: Arboti-Zohota iparraldean; Aiziritze-Gamue-Zohazti ipar-mendebaldean; Behaskane-Laphizketa hego-mendebaldean; eta Zuberoako Domintxaine-Berroeta ekialdean. (Argazkia www.eke.eus webgunetik hartua)

- **Biztanleak:** 289
- **Euskaldunak:** %17,22

Ahotsak.eus-eko datu orokorrak

- Hizlariak: **1**
- Zintak: **1**
- Pasarteak: **8**
- Transkribatutakoak: **0**
- Audioak: **0**
- Bideoak: **8**

Proiektuak

- Euskal kultur erakundearen artxiboak

Hizlariak

Georgette Errecart (1937)



Georgette Errecart Arberatzen sortu zen 1937an. Aita, Jean Errecart (Oragarre, 1909), politikari ezaguna izan zen. Georgettek lehen mailako eskola Arberatzen egin zuen eta Baionako Largenté-n, Donapaleun eta Saint-Cyran-en (Oise departamenduan) ere egona da ikasten. Herrira hurbildu zenean, Euskaldun Gazterian engaiatu zen 1957tik 1962ra eta hor ezagutu zuen Michel Epherre, bere senarra. 1962an ezkondu ziren. Familiatu izanikan ere, bere engaiamenduak segitu zituen, bereziki OGEC-en (irakaskuntza katolikoaren kudeaketa organismoa), baina beti ere bere aitaren eta senarraren ondoan.

Pasarteak gaika

Herri honetan landu eta transkribatu diren pasarteak, gaika antolatuta.

Transkripziorik gabeko pasarteak

Ondorengo pasarteak gaika landuta eta kodifikatuta daude, baina oraindik transkribatu gabe.

1. Haurtzaroa Arberatzen 1937tik 1948ra. (ZIL-001/001)

Georgette Arberatzeko Beheitian sortua da, 1937an, lau jenerazione heietan emazten ganik pasatzen zen etxalde batean (17ha). Arberatzeko eskolan ibilia da 11 urte arte. Bere errietsa frantses Errepublikaren defentsaile suharra zen. Georgette ezagutu du ere 1939-1945ko gerla (gutunak pasatzen zituen).

2. Ikasketak Arberatzetik kanpo (1948-1957) (ZIL-001/002)

Georgettek 7 urte iragan ditu Baionako Largenté-n breveta ukan arte (bere biziko urte bortitzenak), jin da Donapaleura baxo profesional baten pasatzera (Humanités Féminines- delakoetan berezitua) eta berriz urrunduta Oise departamenduko Saint-Cyran laborantza lizeora (1955-1956). Neska gutti ziren garai hartan holako ibilbidea zutenak.

3. Euskaldun Gazteria (ZIL-001/003)

Georgette Errecart azkarki engaiatu da Euskaldun Gazterian 1957tik 1962ra, jakinez mugimendu hau abiatu zela Amikuze aldeko beste berrikuntza batzuen ildotik, hala nola Garikoitzenea lehen laborantza eskolaren sortzea 1952an. Gazte multzo bat biltzen ziren Etxegoien apezarekin (Garikoitzeneko zuzendaria zena), eta ondotik Challet apezarekin. Helburua zuten pentsaketak egitea geroari buruz. Euskaldun Gazteriak lurraren besta antolatzen zuen urtero.

4. Mutil nesken arteko harremanak ezkontzaraino Amikuzen 1950 inguruan (ZIL-001/004)

Jende gazteak biltzen ziren herriko bestetan edo ere eguberrikari edo ihauterikari, arratsaldez, emaiten ziren dantzaldietan. Ezkongaiek, nahi izan gero, ezkontzarako prestakuntza bat egin zezaketen Beloken bizpairu egunez. Preparakuntza hori segitu zuen Georgette Errecartek, 1962an, ezkondu aitzin (bere gizongaiarekin 4 urtez ibili ondoan). Eztei handiak egin zituen, 200 gomitekin, hauetan apezpikua, gizon politiko frango. Ondotik hiru haur ukan zituen.

5. Emazte girixtino baten engaiamenda Amikuzen (1960tik goiti) (ZIL-001/005)

1960 hamarkadatik hasita, Georgette Errecarten engaiamenduak ainitzak dira : haurrak zituen eskola girixtinoetan burrasoen ordezkari (23 urtez), ardura bereziak OGEC delakoan (Organisme de Gestion de l'Enseignement Catholique), Ezkontza Preparakuntzarako Zentruaren sortzaile, karguak ere parropian, Sokorri Katolikoan eta Arberatzeko Herriko Kontseiluan 1970tik 1977ra.

6. Jean Errecarten bizia 1909tik 1945era (ZIL-001/006)

1909n sortua Oragarren, Jean Errecartek 4 anai bazituen eta horietarik bi aski fite ixtripuz galdu zituen (pozoinaturik). Apez izaiteko gogoarekin, ikasketak Larresoron eta Beloken egin zituen, baina Bordalen zuzenbidea ikasten hasi zenetik apez izaiteko xedea utzi zuen. Ikasketak bururatu gabe, Euskal Herrira itzuli zen 1932an eta bere anai geometroarekin lanean hasi. Berehala, laborantza munduko sindikalismoari interesatu zen (artoaren erakundea, elektrifikazio sindikata) eta handik fite ezkondu (1935). Munduko bigarren gerla ezagutu zuen .

7. Jean Errecarten ekarpena Amikuzeko gizarteari eta ekonomiari 1945tik 1971ra (ZIL-001/007)

Jean Errecart politikari ezaguna zen : kontseilu orokor bigarren gerla bukaeratik hara (1945-1971), deputatu 1946an, senatur 1958an, Oragarreko auzapez 1944tik 1971ra. Laborarien formakuntza bultzatu du Garikoitzenearen sorkuntza 1952an, laborantxako lehen baxoa 1962an, J. Errecart lizeoa 1968an), bai eta ere tokiko ekonomia (uraren, bideen eta elektrifikazio sindikatak, Lur Berri kooperatifa, Aiziritzeko klinika, Donapaleuko igerilekua). Aurreikuslaria eta aintzindaria zen.

8. Jean Errecart : gizona (ZIL-001/008)

Kontrako baino aldeko gehiago bazuen Jean Errecartek. Gizon estimatua zen baitzakien jenden biltzen bere ideien inguruan. Sustengu osoa kausitzen zuen bere emaztearen ondoan, hau senarraren itzalean bizi baldinbazen ere,

nahitara. Aita gisa ere, larderia bazuen, nahi baitzuen bere alabek etsenplua eman zezaten.

Arberatze-Zilhekoa (Nafarroa Beherea) | ahotsak.eus Orr.

CC-by-sa | Ahotsak.eus

Badihardugu Euskara Elkarte

Markeskua Jauregia, 20600 Eibar

943121775 - ahotsak@ahotsak.com